

صاحب امتیاز و سر محرری
اورفه مبعوثی

شیخ صفوت

مرکز توزیعی باب عالی جاده سنده
جمعیت کتبخانه سیدر

نسخه سی ۲۰ پاره در

تصوف

التصوف کله آداب : ابو حفص عمر بن مسلمه

عرفای امتک مقالات عارفانه لر بنه تصوفک صحیفه لری آچیقدر

تصوفه متعلق مباحث شتادن باحث و مکارم اخلاق اسلامیتک تعمیمنه خادم مجله معنویه در

بالجمله محررات در سعادت پوسته خانه سته
تصوف جریده سی نامه گوندر ملیدر.
قوطلو نومرو سی ۱۴۳

شرائط اشترا

سنه لکی ممالک عثمانیه ایچون
۳۰ غروش ، مصر و ممالک اجنبیه
ایچون ۷ فرانقدر .

مه کاسه بکف زهند وانش
در یوزه کند در آستانش
امروزه پیش دشمن و دوست
پیداست که شیخ طالبان اوست


حیدری زاده

ابراهیم

تصوف

حیدری زاده ابراهیم افندی حضرتلری بو اثر
عارفانه ایله تصوفک صحیفه لرینه حقیقه بویوک بر شرف
بخش ایشدر . سعی جیل فاضلان لرینک مشکور اومسوی
الطاف مقدسه ربانیدن نیاز ایلرز .

صاحب امتیاز محرر عاجزک پدری مرحوم شیخ
عبدالقادر صدیقی صاحب الترجه طالبانی حضرتلرینک
خلفاستنددر طقسان بر سنه ک بر عمر میدی استادینک
مسلمکنه حصر ایش ایدی . لسان شهادتندن : جناب
طالبانینک علو مقام غوثیتلرینه اشارتله سورده نصرک
انوار قدسیه سنه و غوث کیلانی قدس سره حضرتلرینک
احوال سنیه سنه مظهریتلرینی ایشتمش ایدم .
رحمه الله تعالی علیهم اجمعین .



اوراق وارده

عیناً

تصوف جریده محترمه سی مدیریت علیهنه

(تعاونوا علی البر والتقوی) آیت جلیله سنه امثالاً
منسوبی بولندبغزم امت محترمه اسلامیه ومات معظمه
عثمانیه نك سعادت دنیویه وسلامت اخرویه لرینی کافل وبر
چوق حقایق خدا پسندانینی شامل طبع ونشرینه همت
بیورلش اولان جریده فریده لری منظور باصره تشکر
واقترار درویشانهم اولدی . جناب خالق عظیم الشان
حضرتلری قلم شیرین رقمکزی طوطی شکر افشان
وقریحه ملیحه کزی دریای بلاغت نشان ایلسون
آمین .

عثمانیه نغی و فارسیده فردوس وفا آنی کی اسانده
شمرانک اقدار شاعرانه لرینی آثار منظومه سنه بحق
تجلی ایتدرمه مکه موفق اولان شاعر مشهور شیخ رضا
افندی مشار الیه حضرتلرینک مخادیم کرمانددر . پیر
مشار الهیک میراث بلاغی مرحوم شیخ رضا افندی
انتقال ایتدیکی کی مقام ارشاد وفضیله ده الیوم بر حیات
و انجال نخبیه سنکده سنا وفضلاً اکبروا رشدی بولان
شیخ علی افندی حضرتلرینه نصیب اولمشدر . مع الله
المسلمین بطول حیاته .

ان هذا الشبل من ذاك الأسد

شیوه نظمده کی رقت عاشقانه و بلاغت رندانه سیله
متسین ادبی جداً کندوسنه مقتون ایش اولان ایکنجی
مخدومی مرحوم شیخ عبدالقادر افندی مشار الیه
حضرتلرینک مسلك قلندرانه لرینک یکانه وارثی عد
ایدلسه سزادر .

والحاصل سوزی کتاب انسانیتک هانکی بر صحیفه سنه
انتقال ایتدررسه ک شیخ عبدالرحمن حضرتلرینک متصف
اولدقلری فضائل اخلاقیه لرینک بحق شرح و تفصیلی
نا قابل امکان اولدینی جهتله کندیلری عالم حقیقتک
نقدر بیوک بر مرد کاملی اولدینی آکلاویه بیلیمک ایچون
وقتک اعظم علما واکابر ادباسندن بولان قاضی حسین
برزنجینک مشارالیه حضرتلری حقنده کی مشهوداتی مبین
اولقی اوزره کر کوکدن سلیمانیه یازمش اولدینی مکتوب
بلاغت اسلوبک آئیده کی فقره سیله استمهاده ایلرم :

دیدیم . چه دیدیم ؟

بنشست به صدر ترکیه پیری
بر مسند فقر چون امیری
افروخته از جمال شمع
رخشان شده از برای جمعی
سرتاقدمش چو زهره نوراست
کویی همه مایه سروراست
ماتم زده کر رخسار بینید
برجان وداش فرح نشینید

آلهی بی اصفایله امکان پذیر اوله جفنی دوشونونلر !
 ثالثاً یا لکنز اهل ایمانه خطاباً شرفصادر اولان — ای
 مؤمن قوللرم سز خالق عظیمکیزک اوامر و نواهیسنه
 اطاعت و انقیاد صورتیسه کنیدیکیزی و حسن تربیه
 سایه سنده غائله کزی عذاب ناردن قورناریکنز —
 معاسنده کی (یا ایها الذین آمنوا قوا انفسکم و اهلیکم
 ناراً) آیت جلیله سنک اهمیتنی تصویر و اوصورتله خط
 حرکتلرنی تقدیر ایلسونلر ! شه سز علیم و حکیم اولان
 حق جل و علا حضرتلری (الیوم اکملت لکم دینکم)
 نص شریفله ختامی بیان بیوریلان کلام قدیمده اصلا
 فضله بر سوز سوبله من قطعاً لزومی اولمیان برامری
 ویرمنز زیرا جمله نك معلومی اولدینی اوزره عبادا للهک
 ادبیات ایله معروف و فی الجمله علم و عرفان ایله موصوف
 اولانلردن بیله لزومسز برنطقک صدورینه احتمال
 و برلنز . همان حق جل و علا حضرتلری شدت شتآنک
 حلولدن مقدم کومورک لزومی حس ایلیان عقل دنیایی
 ویرمش اولدینی مثلاً قبرک ظلمتی کو سترمزدن اول
 تنویرنک لزومی فهم و ادراک ایدر بر عقل عقابی دخی
 جمله احسان بیورسون . بعدالموته مخصوص اولان
 فائده سز ندامتلردن محافظه ایلسون آمین .

کلامی درگاه شریفی پوست نشینی

محمد اسعد

تصوف

صاحب مقاله شیخ محمد اسعد افندی حضرتلرنک
 عصر حاضرک اجله رجال علمیه و اکابر مشایخ صوفیه سندن
 اولدقلری اخوان طریقت و طالبان حق و حقیقتک
 معلومیدر . اعلان مشروطیتدن مقدم مرکز خلافتده
 سالکان طریق آلحیی دلسیر فیوضات ایتکده ایکن
 استبداد لئیمک اعلام و معالم دینییه صولک برضریه
 الیمیه سی اولارق خطه عراقیهیه طوغری برهجرت
 اضطرابیه مبتلا اولمشلرایدی مشروطیت مبعمله نك
 اشراقات باهره سیله برابر پایتخت ارباب اشتیاق و اصحاب

تصوف سرلوحه سیله بیان بیورلمقده اولان مباحث
 منیفه و مناقب شریفه نك طوائف اسلامیه دن یا لکنز
 صوفیهیه اختصاصی زعمنده بولتان عقول کاسدمک
 ظنون فاسده لرنی تصحیح و تعدیلده مدار اوابق اوزره
 مساعدت علیه لرینه اغتراراً برقاچ سوز سوبلکه قیام
 ایلمک : معلوم فاضلانلری اولدینی اوزره بالجمله نفوس
 بشرک امیال و احتیاسات سفلیه دن تجریدی و آمال
 مستوجبه التجات علویهیه تصعیدی کالات معنویهیه
 آراسته و معارف روحانیله پیراسته اولمق فضیلتیه
 وابسته در قال الله تعالی (قدا فلیح من زکآها و قدخاب
 من دساها) انوار معارفی قلوب موحدینه ایداع و اسرار
 حقایق افنده مسترشدینه افراغ ایچون شاهراه سعادت :
 نیجه دهور و اعصاری حس حرکتله کورمش و نیجه قرون
 و ادواری روی رغبتله کچیرمش اولان طریق صوفیه
 یعنی خلاصه الحلاصه احکام فرقانیه اولدینی جای اشتباه
 دکدرد شومقدمه بی بسط و بیاندن صوکره شونیده افاده
 ایدرمک : جنس حیواندن عقل و عرفان ایله ممتاز بولتان
 نوع انسان میاننده بر فردو ایدرمک اقبالی آرزو ایتسون،
 استقبالی تأمینیه غیرت ایلسون ؟ البته یوقدر . لیکن
 دائره استقبالی تحدید ایدنلر یعنی برنجی خطوه سی قبره
 اولان سفر آخرتی نظر اعتباه آلمانلر شه سز جو قدر .
 بوکی اخوان دیندن برنجی استرحام شوندن عبارتدرکه :
 اولاً حد اعظمی اکثریتله یوز سنه نی متجاوز اولمیان
 عمر دنیا ایله حد و پائی تصور اولته میان عمر عقابی
 موازنه و درجه اهمیتلرنی مقایسه بیورسونلر ! ثانیاً
 تأمین آسایش دنیویه و احتیاجات مادیه جسمانیه نك بذل
 نفوس و اموال ایله حصولی نه مرتبه مسلم ایسه
 (ان الله اشتری من المؤمنین انفسهم و اموالهم بأن لهم الجنة)
 آیت کریمه سی کی ادله قاطعه و براهین ساطعه ایله ثابت
 و مبرهندرکه سعادت اخرویه و سلامت سرمدیه : ناموس
 عدالت و قسطاس کرامت اوزره تأسیس بیورمش اولان
 شریعت غرای احمدیه و طریقت معلائی مصطفویهیه
 اعتنا و انفس و امواله متعلق بالجمله اوامر و تکالیف